


與徐雪廬先生論詩書

廷琥頓首啟雪廬先生閣下前在高齋得親警歎月餘睽隔殊切神馳偶以拙詩求教荷蒙垂愛且錫鉅文廷琥捧讀再三覺獎譽實深反之於己有不敢當者則自愧焉既而思之知先生以獎許為誘掖以鼓舞為訓誨俾鄉僻賤名得附大集以垂不朽如蠅附騏驎為施松柏則又私自幸焉廷琥年十一家君授以唐人絕句法由絕句而律詩而古體遂好作詩一月輒數十首家君斥而抑之謂詩文最忌浮詞即懷人詠物比興無端亦當使書卷之氣益然紙上而泛為風雲月露之詞則所當深戒廷琥自是多不敢多作迄今二十年未有進境而每苦其難夫詩本溫柔敦厚之旨渾渾灑灑元氣結成不必以一定關鍵泥

乎其法亦豈容有一毫浮偽雜於其間竊以此求之有諧謔游
戲者則以詩為藝玩者也有要娵諷調者將以詩為容悅者也
有此唱彼和互相延贊譽將以詩為標榜之具者也有雷同勦
襲謬為博洽將以詩為矜詐之用者也先生謂詩當本之以誠
苟此則不誠孰甚苟以先生立誠之說示之亦未必有報然愧
與然失者何也不知其難而已矣或謂詩不必作則又不然嘗
於友人齋中見其所作詩有跋其者謂當以經學自厲不當役
志於詩此言似是而實非也詩之源出於三百篇毛公作傳鄭
康成作箋三百篇非經乎且登高作賦列九能之一學經者不
必不作詩特當厚其根柢虛偽派焉博其聞見雅俗繫焉尚其
體要格律止焉惜其筆墨風骨凜焉不必篇什之多也一二章

亦足以傳不必詞采之富也真氣歛不在於貌讀書萬卷下筆
如神真樸之氣自然流露此廷琥之所以不能至而自苦其難
者也雖然鄙見所謂難與先生所謂誠者竊有所合敢為先生
陳之即以為先生所論之傳疏可也先此謹候台安仍容面謝
更領教益不宣



淡和休已修習樂
居在廣東省城西關
樂和居西關樂和居
樂和居西關樂和居
樂和居西關樂和居

蜜梅花館詩錄



江都焦廷琥



擬謝元暉鼓吹曲

青青河畔柳赫赫長安道
高樓築城北遠岫連芳草
帷蓋西風揚車馬春光早
睿藻獻九重龍章慕四皓
功名著南宮誰道烟霞老

擬樂府飲馬長城窟

白馬黃金埒昨過長城窟
長城渡遠遼千里暮山遙
漠漠黃雲飛蕭蕭白羽飄
羽飛不見面刁斗驚深院
深院倚沙場無信回家鄉
家鄉來旅雁飛落山邊澗
解甲聲雁豪磨盾寫征袍
繫足振平野鼓翅凌東皋
翹望東皋路回首長城暮

雲臺二十八將歌

南宮城外鳴曉鴉南宮城裏封侯家朝廷賞士話前世雲臺高
築穿雲霞念昔雲臺未營作功臣功著麒麟閣南陽兵甲繼關
中東地龍影收潁洛元黃龍戰幾經年雍奴高密為之先邊陲
遠塞極將力力盡關山續管弦鐵衣數破辛勤久君心應感千
年後賤時不覺貴來稀男兒何必俗人譏功名已得垂竹帛形
神且復揚清輝竊意中興數十載鷹揚采采誇東海封侯不盡
列高臺殿前猶有熊羆在豈為薰蕕有不同茂常通款恭寬融
風雲感會各有志英姿茂績符星次是雖臆說不得詳史書足
證神與智神智從來萬世垂爭如荒草埋殘碑功勳不必藉輝
耀等閒作事何所為

擬岑嘉州衛節度赤驃馬歌

使君智勇稱雄豪少年習武攀鯨鰲彎弓盡斷會稽竹挾箭長
摘秋鴻毛家既名駒色正赤紫韉半掩刀痕迹雙耳披鐵十數
層四足立沙五六尺君言愛馬如愛金廿年幾極風霜侵高山
峰影碎碧色古道官柳分青陰關西老將見應喜走疑雷閃風
沙起斜陽飛疾不見塵綠鞵朱鞅飄不已細柳營前草正長新
豐市口駐晴光雙瞳睨人識人意鞭策不動蹄飛揚奔揚千里
背無血交河未渡冰先裂利腕寧甘櫪下羈雄懷直欲軍中泄
吁嗟乎志士得意抒文藻驃馬猶能誇未老試告長安遊俠兒
莫談年少黃驄好

擬古

遠雁叫天末，感感將孤征。掉首不肯留，驅馬攀榛荆。揚鞭萬里去，瀚海黃雲生。黃雲聚隴右，好鳥成秋聲。朝聽東山雨，暮祝西山晴。不見遠行客，何日思歸程。

銀漢懸清光，秋宵月如許。迢迢歎女牛，長執機與杼。爽氣淨閒庭，新輝消溽暑。纖手攀柔航，風來還獨處。河水隔形蹤，相迎若相語。

高城何崔嵬，高影入霄漢。雉堞出天外，纏綿連不斷。道上多豪俠，立馬河之畔。飲馬入東門，仰觀背決汗。遨遊數十年，壯志猶未換。來往復何為，臨風寧不歎。解劍還鄉閭，良朋自聚散。

庭外有奇樹，小鳥巢其端。手植不數日，盈尺齊雕闌。出門立其旁，撫弄相盤桓。屈指十數載，羈旅傷秋殘。音書滯他鄉，壯志消

江干

涼風生堦砌，明月成秋光。入照室南端，皎皎盈華堂。壯士奮臂起，繫彼衣與裳。高卧未得志，終此何所長。國家覓賢哲，崇姚達漢皇。

書秦良玉傳後

二郎關外雌雷吼，石砧夫人作帥首。生扶奇忠著戰場，死遺巾幘隆椒酒。廟貌只在佛圖前，聞說崇正十六年。軍中空見將軍歿，城上猶傳督帥賢。廿年無敵誰敢先，砧卒萬騎趨幽燕。梨花鎗法共稱妙，拔營殺賊燒戈船。幾場血戰力應盡，力盡沙場鐵甲穿。朝廷褒獎到女子，錦袍著體拋金鈿。可奈當時尚方劍，督師主帥持其權。盡驅賊眾入全蜀，重慶一敗誰之愆。夫人勇氣

本忠義城頭封號猶依然受賜惟知君德重披堅寧惜微軀捐
無何矢盡不可恃鼙鼓一聲張令死峒兵二萬哭南雲嗣昌嗣
昌今已矣桃花戰馬嘶空槽白桿神鎬撤中泚錦袍欲解血瘡
沾北拜君恩從此已君恩徧及衣閣中臣衣簪誰不拖青紫報
國雖知一死輕開城孰洗三軍恥淚落高涼洗廟前獨有夫人
乃若此夫人不用明亦亡子孫世奉椒與漿忠心千古見勇烈
有志男兒色或揚

長干曲

款款苑中樹青青河畔枝遊子滯天末言旋何太遲春花覆古
道秋草環方池音書久不至魂夢長相思相思不可及空階人
獨立天外白雲飛池上秋鴻集秋鴻在遠道十月霜飛早豈不

欲旋歸何漫風前老感此入中房淚下沾衣裳秋色在高樓誰
與訴衷腸衷腸誰與訴漠漠三巴路

紀歲珠

歙縣某取婦一月即行賈婦刺繡易食以其餘積歲置一
珠用采絲繫焉夫歸婦沒已三載啟篋得珠積二十餘粒
其其鄉人汪于鼎樂樂府紀其事余復為歌以續之

弱柳植東岸老柏生高岡抱節自有異風雪寧相傷孀孀彼姝
子繫彼衣與裳一身佩瓊瑤兩耳懸明璫出門拜父母入室奉
姑嫜結髮為夫妻恩愛生中腸富貴非所期荆布亦可常萬蘿
附長松相倚寧相忘
相傍才一月愁痛離情切寶馬蹙征塵閨中淚淒咽齒草出荆

州珊瑚誰欲折珠玉育深崖球若銀琅鐵君意未可移長行亦
已官柳望依依頓爾輕離別

離別直如斯中宵夢見之日處自不覺既別安可知閉門入中
房開箱淚暗垂獨坐理鍼線口腹聊相資春花又秋葉陽鳥巢
南枝餬口或有餘留此當與誰置珠歲一粒穿以朱機終年歲
不可挽珠已看離離持珠不能語欲語誰致詞願郎在天涯兩
地長相思相思若線穿蟬聯無已時

時日不我待深閨顏色改遊子始言歸歸裝自東海二十餘風
霜形神亦幾殆入郭識故阡阡陌生光采入里認柴扉登堂力
已怠啟篋理衣裳珠光自睢睢東鄰有老父殷殷言慷慨爾婦
待爾歸今沒已三載爾歸人已非雖悲復奚悔

城中晚歸

地遠望難盡驅車到古原草多霜折處溪有雪留痕野店誰沽
酒山村已閉門蕭蕭黃葉落四顧亦何言

青白線

黃珏橋裔氏本舊族有女以孝稱適孫氏故磨豆乳者不
知而誤於媒女亦安之孫之母及二女與客通日有飲博
者諧謔於室久之呼裔出裔不可且迫之諸淫裸譟於窗
下裔知不免以青白線自縊死揚州太守孔公毓璞為白
其事立墓於平山顏曰裔烈娥之墓康熙壬寅四月十七
日事也今近百年漸無能言之者作樂府紀其事
白白茆湖水平如掌萬頃雲烟自來往深閨有女人未知養親

割股年初長東家桃李鬪容光羅綺笙歌繞畫堂梁高樓夜夜
人如月深巷年年草自長秋深齊女欣同織春晚羅敷不采桑
花惜豈歌金縷曲女貧空作嫁衣裳春來秋去傷青草納徵不
問誰家好乘馬雖殊霍氏奴賁漿恰在邯鄲道裙布荆釵亦可
安糟糠布帛方同保唱隨豈必掃蛾眉輕許何嘗怨兄嫂初諧
寶鏡鳴高閣詎料堂前叫姑惡少年聚室共歡呼畫作高歌夜
飲博新婦房中淚暗垂小姑筵上釵初落雌雉飛鳴亂薄帷雄
狐撲朔欺孤弱明月寧因濁水污精金豈被刀圭錯開箱青白
兩條綠萬古綱常從此托揚州太守稱名賢立祠高祀平山巔
諸淫何幸得漏網烈娥名亦傳青編青山嶽嶽力能削此烈鉉
鉉不記年

哭壽引年徵

朝露濕林薄秋蘭何遽萎先民誰不死君死良獨悲君年方卓
犖儒雅誠我師奚囊出心肝書法騰蛟螭名都滿衿佩君身乃
久羈風雨入疎櫺君魂渺何之丹青委東壁琴書損永辭遺孤
僅八月成名安可知感此淚沾臆流雲不能馳

甲子六月十六日夜贈汪寄鷗昌序

天河皎澈橫林端大星小星堆玉盤舉杯相屬吸未盡清露滴
濕紅闌干榴花開日君始至竹窗松榻相盤桓議論豪濶動四
座高歌一曲和者難夜來散髮坐亭敞流螢入戶光渥丹坐久
徙倚倚徑竹涼風吹擊青琅玕迹窮月徑逐奔月湖光漾且成
波瀾人影三五聚橋北漁燈千百叢遙灘夜深歸路百蟲響流

淙入耳聞珊珊我歌君飲聽我語蹉跎歲月非可安石城一櫂
與君約莫愁湖月知同看

九日登高

霜落風寒朔氣催秋山紅樹白雲隈半天木葉凌空舞一綫波
光自北來酒榼不因佳節設菊花仍傍短籬開孤村日暮漁舟
小好逐烟波帶月回

記乙丑水災

四月湖村發湖水大麥未黃小麥死平田汨沒烟波中來年半
入馮夷宮波濤一丈接邵塚小窗終日聞西風西風吹船者高
柳三秋布麥今何有沒水刈麥麥盡禿持鎌少婦吞聲哭淹麥
朔風吹水水人立屋入洪濤勢洶急村人夜夜船為家槳聲霍

霍霍來溪斜布帛織作漁家罟低頭見水不見土東家西舍悄
無言誰從水國起田園十里漁蓑叢釣艇幾家爨火集高原高
原日日驚波浪佇見野航行屋上倒屋

田不耕芸倉沒粟賣牛買粟倉不足官糧不輸民亦饑設局質
牛牛可贖質牛買粟供耶孃老牛有犢倉無糧春來取贖事力
作農家復得勤耕桑耕牛可質暫莫困採囊眩暈非所願質牛
病起

一月不出戶秋心漸覺深西風釀寒色旅雁挾商音靜處忽思
動閒居久廢吟柴門時獨立猶怯晚涼侵

五更

鳥鳴促天曙獨起坐前楹殘夢不復記秋蟲尚有聲星輝催曉

沒霜影著磚明久病幸能健推窗正五更
病坐不能出戶

枯坐倏三月閒堦數寸陰怪禽啼破膽敗葉響驚心大宅陽猶
胸高窗日漸侵寂寥誰可共囊有伯牙琴

落葉

木葉自高下飛飛散曲阿蓬光同轉逐樹影欲消磨當戶夕陽
晚冷一庭寒月多春風依舊發莫遽歎蹉跎

蜜梅花館詩錄

江都焦廷琥

冬夜

敗葉戰西風霜華奪殘月徘徊北庭隅裁詩意已竭良友隔千
里山川阻城闕砧杵夜無聲賓鴻未歇何以寂音書遥遥不
能越撫景動遐思開窗望林樾竟夕不終寐星芒互出沒

凍梅

庭梅猶未吐天若妬其姿冷意欲相勝寒花著故遲清原知品
貴弱不耐霜欺只待陽暉至東風發幾枝

記丙寅大水

湖水歲為災農人失安宅癸亥迄乙丑哀鴻在中澤今歲值丙

寅洪濤勢更劇夏五月之望波痕沒岸石一日至十日累丈復
累尺禾苗葉不揚田園界莫畫低村寂爨火門柱繫湖舶越日
日癸酉雨師挾風伯奔馬逼窗飛鷲沙著地拍撼壁壁即圯近
墻墻即圯室中器物蕩門外洪濤白洪濤入戶來風雨透窗格
撫窗呼渡舟人去舟莫獲桑田盡成海滔滔一水隔隔水一舟
至指掬嘆舟窄余室十數人一身遞交易造次顛沛中蒼黃急
何擇茅屋屋盡覆小舟附屋脊人屍結纍纍驚浪逐骸骸厝棺
入大水棺破見人腊大牛數十頭水面狀博碩四野聲悲愴轟
濤震霹靂黃瓦街之西書屋吳氏借權作數日棲入室定魂魄
橋上西風生橋下水忽擲辰巳午未申高原露阡陌閉戶薰衣
裳鷲喜在今夕明日日甲戌漁艇來一隻傳說荷塘圯下河烟

水碧七縣為波居黃楊運艱厄又聞某港中人屍覆千百或則
衣而冠肩背互堆積又有老婦人殘骸卧林僻野犬嚙其腹肝
腸苦狼籍下河水已盈上河困稍釋檢點衣與裳還我舊琴席
一里隔死生三日記行役水至成吳殃田園盡荒瘠凶年連四
歲長嗟亦何益

吳少文太學康以近作見示作詩答之

春風漸綠堤邊柳高軒談笑醉春酒小園花鳥盡文章畫欄雕
檻徘徊久百花未發百草生檢點詩腸採二酉筵前示我一卷
詩琳琅紙上龍蛇走觀詩我復憶平生壬戌癸亥迄乙丑前年
一病死復生豪氣消磨却何有積貯奇書幾萬卷昔嘗縱觀今
則否興乘枯坐或無俚岐黃之理欲強剖玉函金匱列几席不

能解者十之九擊楫中流盡著鞭眼前金印俱如斗豈欲邱園
老一經幾年湖上談農畝念君閉戶學栽花奚囊覓句皆瓊玖
湫隘真塵脚不到白雲常住深巖口有時聚友或飛觴金玉何
能及瓦缶屢中吟詠厚一尺取出屬我辨苗秀俯仰清韻不可
及幽靜足以滌煩垢四座勿喧聽我言清閒何必稱泉數

壓兒錢

海上某翁積錢數堆命兒卧其旁一夕錢倒兒竟壓死

阿翁積錢阿郎守阿翁辛苦江湖走貫朽銅蝕幾經秋阿翁屋
積如山邱一宵委棄在平地出入聚散真浮漚阿翁積錢壓兒
死眼前怪事寧有此鄰家有子務耕稼散盡金錢買不得

秋海棠

損見輕紅透短櫺雕闌一帶影亭亭碧沙文石風清處欲剪柔
絲手又停

剪秋羅

毳衣如菸綴新紅幾簇香羅評許同何到秋來花始著端應不
慣舞春風

挽汪晉蕃先生光燾

嘉慶歲丙辰先生客於越風雨記聯牀講論析豪髮邗水路迨
迨吳山青兀兀詩白滿奚囊行役止三月太歲在辛酉扁舟江
上發襖被留金陵秋鴻亦未歇晨夕共尋幽蹤迹滿林樾雞肋
嘆功名歸卧覓詩窟康山舊草堂學圃春雲勃先生發高吟裁
詩意未竭湖水隔形蹤年來疎進謁去歲先生病今歲先生歿

十載憶追隨年光何倏忽理篋得手書文辰論豈悖造次必讀
書豈曰廢倉卒病中讀戴記用心亦矻矻豈知膏既焚繁霜透
肌骨原上朔風吹邱冢見凹凸斯人不可作清標載墓碣遺書
待搜尋何日更剝劓

戊辰元日

煦氣繞看吹萬物湖村風景又初春絲雞臘燕仍如舊碧水青
山喜乍新枯草色隨苔迹轉寒梅香透紙窗頻牀書歲歲皆連
屋濁酒觀來意倍親

自城中歸

早出北門北驅車野徑斜管聲猶在耳詩意浩無涯殘雪戀
牆角春風鼓麥芽湖村髡柳外一帶夕陽遮

哭謝景張文英

琴席相睽纔七日驚聞良友倏歸僊回思借算真高誼屈指春

光未一年

嘉慶甲子景張從家君遊丁卯三月家君病甚景張禱於東嶽神借己之算書楮焚之病果痊

童烏一慟已傷形冉冉霞出不停尤恨劣醫疎藥性昌陽不

進進稀苓

景張兄嫂早世遺孤八歲景張愛護倍至戊辰正月病甚景張夜走三十里外延醫既死一慟幾絕曰何以對兄明日遂病為醫誤藥致死

朝菌竟難沾早露飄零書劍却無兒瀕亡尚擁青氈坐手檢殘

編欲付誰

景張嘗用力算學通開方白服之術善屬文有手輯謝氏族譜一卷善書法將卒前一日舉其書帙盡焚之

未獲一衿真恨事書燈猶照簡痕青相如遺頌何時出伏枕傷

心乞墓銘

景張將卒謂家君曰英死矣將乞銘墓于先生

雞黍論交景最真春花零落倍傷神秋來又泛吳陵棹風雨蓬
窗少一人

海棠二首謹步 家君原韻

村居過客未全稀
小飲山厨筍正肥
同向海棠花下坐
滿身紅
身紅雨落飛飛

幾年牆角寄閒身
却讓山茶獨占春
今日胭脂纔入目
滿園俱
是看花人

湖水大至室深數尺
夜坐無俚援筆作歌
即谷董晉卿士錫
蛟鼉夜飛挾湖水
馮夷擊鼓煙波裏
煙波如雪水連天
夜泣家
家驚欲死幾經湖水
歲為庚丙寅乙丑
溯甲子湖農飢饉
春復
秋一家未忍離桑梓
丁卯旱魃復猖獗
雖有田疇安足恃
米珠
薪桂鐵難易眩筮探
囊性所恥東家有女
初及笄一朝賣往廬
州市得錢買粟供耶
孃抵死恐飢不輕從
今歲太歲在戊辰復

值春初出耒
報借錢買犢
耕西疇
貸穀春糧
集疆以篝車
羣祝
社神祠
但願年豐
自此始
六月之初
歷上弦
禾苗楚楚
咸稱美
鄰家主伯各腰鎌
欲刈新苗約同里
新苗未刈
洪濤來一丈
波
光徧遠
通朝發
洪濤夕入門
昨日桑田竟誰是
沒水刈禾禾不
得廬舍
登時更傾圯
待哺八口
夜磬磬舉室
羣悲又若此
吾見
此狀重太息
獨坐桃笙對烏几
忽聞水外寄吟筒
接得琳琅詩
一紙長空鴻響
六何哀屋外飢烏呼
不起挑燈
援筆續高歌
悲
馬隔窗飛不已

題常漢卿妹大煥 蛺蝶圖

微雨花房曾久住
芬芳滿地尚留痕
唾津才抹隨流水
不記羅浮洞外門

欲向前身尋舊迹
遺來軀殼是僊翁
幾年又作雲峰客
只見花飛路不通

池塘草護原多日
莫認莊生夢裏過
飛去飛來任輕薄
金風一起更如何

江口待風

扶病來登江上舟
涼天如水在中流
長風巨浪誰先破
為逐秋光到石頭

登勝棋樓

又到華嚴寺登樓
尚宛然
荻稀看放鴨
柳靜欲聞蟬
極目生圖畫
閒心怕管弦
遊觀皆局外
撫几憶當年

過周孝侯讀書處

斬蛟射虎舊傳名
不滅氐羗氣未平
志節到君真壯士
英雄如此亦書生
眼前萬竈層雲湧
堞上千山夕照明
故址鹿城何處訪
悠然鐘磬一聲清

金陵夜發

夜發金陵驛西風
送客程
回頭餘堞影
傾耳得江聲
遊興觸秋起
歸心逐浪生
五更磯上樹
幾度早鴉鳴

吊忠毅李將軍四十韻

海上傳飛將
人間吊國殤
鼎鐘應勒績
日月可爭光
兵自齊三鎮
軍堪攝一方
詩書敦卻毅
謀算越陳湯
入圈方瞋虎
當車却笑螳
艦從洲外列
穴在島中藏
橫嶽何難制
么虜不自量
庫纜飛曳尾
符已出身璋
毒小虞蜂蠆
威行鎮虎狼
持戈誰陷陣
斬

級直探囊革裹英雄志鋒推士卒倡發機喧霹靂結陣巾餘腥
慷慨兵皆奮周迴鼓盡鏜被瘡春戰渭馳馬夜登邱飛箭攢肌
骨鮮紅染甲裳軍容嚴細柳棠道塞教倉幾度乘風浪惟期靖
海疆釜中魚屢逝網內鳥猶藏翔報國知俘敵披堅誓截腸飯
難忘鉅鹿弩欲射錢塘百戰戈為枕三秋髮漸霜彎弓懷蔡祐
縱火擊姚襄父老旌旗望轅門鼓角張風雲傳叱咤雷雷逐娛
狂地徧東西浙威流內外洋計時銷甲冑指日墮橫槍豈料天
難測還教節更彰颶風聲颯颯海霧晝茫茫欲斬長鯨首聊持
幾日糧朦腫前莫進礮火碎何防頓拔中軍幟平隴百尺檣宗
爺呼殺賊周處嘆征羗渭水天星落河橋大纛揚精魂留島嶼
壯節著旂常 盛典褒忠悃專祠真故鄉威嚴瞻廟貌曠繹奏

笙簧將士感忠憤山河藉保障兵書猶在篋寶劍尚含芒勇氣
吞潮汐英風想激昂功名傳百世青史播芬芳

夢景張

君沒已八月頻頻入夢魂衣冠堪想像詩酒亦評論半夜忽驚
起遺編不惡翻思君難永寐涼月上東軒

重陽雨

終朝雨不止何處去登山菊綻幾枝冷身居一室閒香醪誰共
酌舊稿待重刪門外無人至呼童掩竹關

蜜梅花館詩錄

江都焦廷琥

己巳初春同裔南檐榮登梅花嶺

高嶺出城堞雲梯快一登亭開寬眼界石碎礙衣稜履跡穿三
徑花陰疊萬層幾人動詩興原上晚煙凝

瓶中綠梅

半瓶春水浸疎花僂骨珊珊漸吐芽得句幾人山色奪巡簷何
處月痕斜絕無俗艷來鳥几一任羣芳吐早霞滿案落英隨意
掃却分餘影上窓紗

擬陶淵明讀山海經詩

托跡遠塵境結屋在溪山編竹作疎籬禽鳥時往還靄靄隔溪

雲無心出岫間呼童剪畦韭入室掩柴關
展卷傍南窗山人海窮人寰獨坐探奇興
午院稱清閒觀此澹吾慮流水聞潺潺
峰巒不厭遊攜榼將登攀

侍家君及周己山此陳西園翰章泛舟過相墩應相君搏丸

鵬之約也即題近湖草堂

萬綠抱村舍停舟得草堂小庭羅卉譜高柳度帆檣
放眼客懷濶醇杯俗慮忘主人雞黍約風雨待重陽

重過相墩

打漿鼓幽興仍來水國中林翠添遠綠牆角簇餘紅
隨處得佳趣將歸待晚風明晨十里外隔岫寄吟筒

二叔父沒已暮年墓祭有作

叔歿頓一載過隙歎駒白期年服已終隴上熟新麥
撫時念舊事流光逝更易丁卯之季春家君病甚劇昏卧不知人
危險在朝夕叔視泣且驚治藥手自摘夜禱東嶽神禱已復焚帛帛書
借已算誠至即神格神格應如響疴恙一朝釋嗚呼歲及暮叔
病勢轉迫藥性窮本草病死七日隔乞神恨不慙靈感異疇昔
又憶歲除夜家人聚几席叔語何諄諄祖德溯往迹忠厚世留
貽子孫念先澤且為家君言病體重珍惜春官試可遲聚首在田
宅骨肉共歡聚人生不易獲豈料竟成讖斯言實金石柳絮化
青萍招魂却何索道誨堪追尋家乘足增益

錐壩遇雨

雷勢不可住湖村尚未歸積雲爭鳥路涼雨薄人衣溪上艇初

擊林中葉亂飛農家時小憩夕霽晚烟微

初夏村居

湖村倏四月不盡似春深黠落表磚迹離長續柳陰課農忘客
至掃石怒苔侵滿耳鶯黃訴林深何處尋

訪吳少文太學即題其白茆草堂詩集

築室傍湖光幽光半屬君課田時得句把酒亦論文花氣遠堪
辨溪聲靜獨聞主人一展卷誰念出山雲

瓜步晚泊

湖艇疾於鳥東風送客程棹開揚子驛人指潤州城沽酒不知
價聽潮漸有聲柁樓吹晚飯檣影列如筵

遊莫愁湖

幾日長干住湖中訪舊遊榻牆詩屢換負壁榻仍留煮茗共僧
話棲蘆有客舟石城極目水雲秋

伽藍殿夜坐

涼風入夜鷲來覺四壁蟲聲聽更頻三十離鄉猶未慣夢魂顛
倒只思親

八月十六日觀報恩寺塔燈即留別文慧上人

夕殿攬高蟾修廊淨鳥几四壁響蟲聲幽意遠城市幾日住僧
房便飲長干水滿座寂無言一塔轟如砥燈影徹九層涼風動
窗紙遠照鏡不如高挂瀑亦似旒垂縑自懸佩嵌玉皆起白圓
奪星芒閃灼匝石齒鷓鴣吻靜不搖佛龕近堪指敲火烹清泉塔
址溯其始石闍有奇樹津羅獨秀峙持贈感高誼離離即其子

月影上高簷塔光猶宛尔展紙欲留題鐘聲徹在耳石城秋風
生明日速行行李打槳過南門行蹤何定止回首望浮圖漸入青
雲裏

題青岸湖王氏齋壁

停車望湖水湖水西場圓斜日戀鴉背秋風捲稻田開窗圍蟹
舍隔竹裊茶烟難泰踐前約殷殷話昔年

秦郵

日照孟城面水開岸沙層疊築成堆行行雁陣從天下滾滾波
光自北來豈以登臨臨酬盛節不妨從倚對高臺衣寒昨夜鷺
霜落無恙輕帆去復回

登文遊臺

高臺矗立背孟城臺上登臨眼倍明稻盡陌阡皆縱橫煙分波
浪半陰晴當年詩酒傳遺事此日風流式後生自有文章三千
古蚌光不獨為科名

辛未五月二十七日同齋南檐榮李戴南琛泛舟湖上

瞳矓蜀阜朝陽昇夏日可畏幾可憎蟲蟲無不因溽暑恍如入
甑遭炊蒸買舟蕩漿泳深淺城墜古剎尋山僧一路清氣出波
底岡阜曲折何難登湖亭四面面開敞新荷葉大青層層幾枝
未開開或半星星紅透生鋒稜岸頭古樹入雲漢凌霄藤結粗
於繩小園卉植亦有此著花較此無虧增三人共生話胸臆誰
思健翮舒秋鷹李君長我二十歲擊水未奮南溟鵬謂我樸質
不我棄結習互證吾猶能文章自信戒妄作友朋劇切非虛稱

高論未已日薄暮銜杯欲酌俱難勝涼風吹暑暑略退柳絲著
地垂翳鬢天光雲影映荷葉欲通畫意南檐曾鍾聲入耳且臆
舫振衣濯足空天澄勝遊若此足歌詠來朝得白更相饜

自海陵歸

僊女廟前聞曉柝白茆湖上鼓秋舫層層蟹斲圍如柵點點蘆
花密似星水入平潭深且潔煙舍野屋吐皆青寒蟬一路迎歸
客今夕蒲帆戶外停

泰山墩觀忠武遺像

遺像知藏久今年始一觀黃金雖不鑄青史却何刊筆寫忠魂
出天留故壘完千秋資保障肅穆見霜紈

自雕菰淘夜歸

舟載夕陽去歸來月已斜岸明人照蟹林響葉爭鴉暮港聯漁
艇秋星閃浪花三更無犬吠比戶樂桑麻

羅養齋先生以所作琴川吟草寄舟草見示為手錄之而書
其後

孰思策騎走長楸孰思濯足臨中流懷騁自足樂山水忘機曷
不盟沙鷗養齋先生性澹逸翦翦齷齪非其儔振衣出戶信所
適翛然襜被來揚州乾隆辛亥及壬子疏髮覆額尚未稠先生
來湖作小住竹榻每為先生留高門氣燄脚不到一囊淡泊心
無求學殖益大厚根柢等閒榮苑同浮漚訓詁間或啟茅塞漢
唐經術勤冥搜租驢博士適見笑樹幟詞客誰與伴茶菊酒盞
歲復歲見則氣味欣相投卅年友朋即至戚兩鬢已白霜盈頭

或謂先生邃醫學醫其餘技學則優即於醫理窺涯淡上下千古窮奧幽剖析無不入微妙俗醫聞之解則不若就醫術論品概譬以一脍該狐裘昨以詩草屬讎校字字紙上琳與瑤我為寫錄貯篋筭讀者往往驚清道已有詩句得滿帙已有著述堪千秋風清月白足歌詠管城錄當無金收

寄王灌苗擢無問丁春木椿目疾

君住湖東我湖北同里三十始相識白茆水氣浮春雲酒盞詩筒常不息念君閉戶讀奇書幾載殷勤弄文墨聞雞夜半欲高歌破浪長風思奮翼我慚鄙僊在鄉隅每念良朋望輔植君謂我樸不我棄議論豪快徹胸臆由来秋實亦春華不誤繩聲共紫色豈令高閣束春秋敢謂羣書能博極學經須以經文通師

友啟迪最有力手檢羣書忽憶君君室非遐我欲即近聞青叔患雙瞳赤松囊露却誰拭道瓊問訊今何如欲檢醫方寄未得一篙湖水望盈盈漁舟待訪新城側

喜雨

村農望甘澤驟至百川盈今夕水輪住來朝穀價平籬間消黠迹竹外息蟬聲臺笠東菑聚推窗且看耕

過白茆草堂

草堂雖近市湫隘不侵籬小聚亦須酒高談豈獨詩盆花春自久徑竹暑來遲湖上烟波濶垂綸只傍池

松林寺古柏

松林寺前訪古柏荒涼一徑地隱僻枝柯盤曲不出檐面面虬

龍勢游奔右擎左攫雖不高若伸其屈數百尺苔痕艾衲點霜
皮啖脂食實溯往昔我來海陵十一次來則著履訪舊蹟有此
舊蹟竟未知數椽古刹今始獲老僧赤脚烹新茶盤礴解衣為
指畫自稱來此尚未久柏幹剝落殊可惜前者僧眾鋸其巔培
養護植頗不易墻宇倒卸過客稀蕩蘿風雨自朝夕我聽此言
為長嘆俗目豈識烟霞宅聞有廣文某君至為柏作記更檢數
稱此古物不多得以歲計之七八百紛紛紅紫炫文章惟此蟠
屈倚古壁神氣突兀獨潛姿不以春秋鬪濃碧丁寧翦伐戒僧
徒為其伴者只鮮石

蜜梅花館詩錄

江都焦廷琥

一粟菴

小步逐山麓依崖得寺垣到門平野括滿眼綠陰繁禪榻客微
憩苔階鳥自翻蜀岡簷際壓即此是雲根

同李海峯胸生毛翼雲夢鵬王月丹桂虹橋望月

不策雲中騎來為水上遊平湖俱載月勝友復同舟談藝始知
誤論心莫浪酬諸君須記否橋畔酒家樓

金陵道中

又問金陵路江南正早秋菰蘆畫遠目山水逐扁舟三日客程
計千帆夕照收今宵磯下宿濯足且臨流

雞鳴寺望後湖

樓外湖光正宛然雞鳴不改舊山巔客來前度僧知否一瞬秋風十二年辛酉隨家君遊此同遊者家三叔及汪君晉蕃掌庭張君呂門今十二年矣

紅樓曲

江北江南滯客蹤紅樓一帶影重重可知衣綻須紉綴猶是深閨手自縫

題闈中壁

秣陵烟水湛清秋破浪乘風在此遊紅勒幾回勞巨眼青溪今復繫扁舟棘牆月上簾纔捲小屋燈前語未休下筆蠶聲爭食葉初來屈指歲星周

燕子磯夜泊

早與金陵別秋風動客懷波光隨眼疊檣影逐江排峭壁自天插涼蟾此夕佳來朝登絕頂遊興幾人偕

喜楊君笑仙持衡見訪

門有停車客楓林半夕陽論文驚解異剪燭耐宵長供給止魚味蕭疎賸菊香卜居如有意閒與課農桑

甲戌正月雪

昨雪亦已久當春乃覆檐梅花看乍盛冰柱訝初懸農瑞認殘臘窗寒補舊年殷殷鄰叟至相與課求田

葺焦氏族系

湖居五百載族系尚蟬聯祖德留門戶芳徽在簡編詩書當世守名字幾人傳舊譜新增葺家藏好待鐫

寄丁春木

北望金臺路臨風遠寄書此行匝月達相別一年餘客舍春光
換江鄉麥氣舒遙知增著述所得在舟車

病起

病裏當春不似春宮躔磨蝎困吾身陰陽外謬非三世病疾飲
地黃病旦夜焦勞累兩親久束林書終日懶遞更物候幾番新藥
遂大劇鑪檢點呼僮僕枯坐窗前看隙塵

答吳少文太學問疾原韻

年年寒水漲早濕是湖村伏飲頓封錮良方待講論忘勞僮摘
藥問疾客敲門多感閨情切殷勤古道存

訪文選樓遺址

辭林泛覽精英出響異鐘球同應律漢魏以後迄蕭梁染翰飛
文溢囊帙昭明績學徧搜羅七代詞華選集多兩京鉅製先騷
賦江左風流重永和監撫開搜文史義講瓶延英必有地邗江
雖著選樓名傳疑尚列揚州志六朝建業號揚州往籍難徵帝
子樓廣陵選學自有屬昭明冊籍須研搜研搜選學孰能讀學士曹
君義精熟廣雅注核小學興典文該博師儒服更傳王府舊參
軍牒湘延津究典墳無錫魏丞亦同志共宗屈宋談機雲文選
得注六十卷書麓之名於此見崇文學士秘書郎書林筆海都
搜徧四君講貫文選精文選精貫樓以名連篇墨牘几窗積揮
豪落紙雲烟生隋唐已隔千餘載欲訪樓基舊蹟改巷名猶得
選樓稱興仁街石當衢在我來訪古溯名流導涓撮壤垂千秋

俗學舛誤識者誚訓詁闡說重以周蜀地蹲鳴謬解羊堂堂京
兆與田郎鼃聲紫色何閔貌葵菜尊羹豈誤嘗四君淹貫義乃
析後進英髦為準的選樓蹤迹絕無存樓址依稀尚可覓從茲
文學重淮東後學鏗鏗孰日隆試從考蹟尋蹤處一溯研經勵
學功

大中丞阮公於家廟之西築隋文選樓祀曹憲魏模李善公孫羅四君於其上
蓋即文選樓遺址也疏作賦紀其事賦載拓籙集

答羅養齋先生九日奉懷原韻

纔過登高日黃花在眼前詩筒來水國秋意入林煙留宿曾經
月回思已廿年

乾隆甲寅九月先生來半九書
聖盤桓月餘時止重陽後也

挑燈續新句湖月照窗邊

羅養齋先生過訪宿雕菰樓下數日

難得花開幾日晴先生來此看春耕山村水郭尋蹤跡茗椀香
鑪識性情曉起隔窗誰叱犢閒中側耳乍聞鶯田家風味唯如

是珍重詩人待品評

村居稀於入城城中諸子數問余詩以答之

家塾記疇昔依依此數椽湖干留老屋祖德溯當年堂構基仍
舊詩書業未遷課兒還自課講習在陳編

質弱不勝病年來未盡除出門攜藥物多忌檢醫書况處湖村
久因於禮法疎自慚成我懶非獨愛吾廬

枯坐日何事時惟筆硯親學經疑始出得句景難真小几列今
古垂楊接比鄰蓬門無客至農叟話頻頻

糶米償書債栽花表竹陰鄉鄰媿襪襪山水怯探尋與義索彌
急良朋濶已深迂疎亦自戒結習待規箴

觀棋二首和吳少文太學

小窗棋子落無聲
蝸角閒爭在一枰
莫謂置身皆局外
眼看黑白最分明

移花日影過書牆
勝負偏勞代付量
自笑偷閒來小立
此心又在局中忙

九日懷羅養齋先生

記從夜雨諱經後
又值西風入鬢時
鄰戶有欄登斷蟹
夕陽如水淡秋葵
山童汲汲除苔徑
野老依依話竹籬
乘興若來樓上住
采萸村酒正盈卮

吳少文太學招飲於白茆草堂

半月未相訪如驚
見面稀新詩鋪小几
童子候柴扉縱論共忘
倦精求互覺非
頻添茶竈火久坐晚風微

幾人窗外立隨意
繞前廊榴實孤叢幹
葵心淡夕陽秋光繞滿
院詩思欲盈囊
覓白誰先得圖書自一沐

秋晚野步

坐久轉覺倦啟戶
獨行逢風急雁聲眾
霜寒樹影羸却當秋去
日還憶暑來時
從倚高原上誰驚物候移

柴門晚望寄王偉如

滿樹斜陽鳥雀喧
傲霜殘菊在籬根
只今秋水尚圍屋
且喜漁舟直到門
野渡過橋寬岸跡
鄰翁扶杖驗波痕
回頭黃葉蕭蕭落
樽酒何妨共細論

題阮梅叔曾氏珠湖漁隱圖

北湖湖水浮輕舟
蒼茫一色如平疇
珠湖更在北湖北
烟波萬

頃連高郵四圍漁舍匝湖澳結網不異柵與援標榜眾或雀卷
著雪鱗鱖：清晨收草堂教椽隔葭葦烟蓑雨笠盟沙鷗先生
壯志裕經濟學而後仕學則優會須揚藻立廊廟奚為濯足垂
綸釣以蓋先生讀書處結廬却在珠湖頭鮫菜小市遠鷺雜琳
琅萬卷勤冥搜頭銜不署魚蟹子著述日倚松滋侯舟車南北
幾寒暑欲追往事披圖求烟波釣徒不足假漁竿鶴髮誰與謀
不然更比陸魯望松陵唱和非其儔敝廬相望可涸湖前年小
築雕菰樓撈魚射鴨侶佃客畫意未得荆閩留得辰山卷並題
詠北湖雅迹傳名流必謂先生志漁隱沈沙曷以埋琳鏐北湖
之北達覽社漁莊璀璨珠光浮

題雷塘話雨圖

嘉慶乙亥仲夏舊太守伊墨卿先生來揚州與家君會於
雷陂之阮公樓太守稱數年中家居讀書少有所得思出
而仕以^{忽來}驗所學並索家君所著易通釋稿本譚論良久大
雨如箭^{忽來}家君歸作雷塘話雨記阮梅叔先生^生作詩太守和
之九月太守卒于揚州客舍梅叔先生作雷塘話雨圖屬
琥題之

嘉慶十年歲乙丑伊君來作揚州守甘雨隨車沃田畝歸去讀
書已九年舊日胥吏稱其賢重來話雨雷塘邊所話經濟未展
發秋風蕭颯太守歿飄飄桃影江頭月

阮小雲歸自南昌過訪

籬外車聲住村童近客來論文三載隔對月一窻開孟貴傳經

學鄒枚作賦才更堪話風土彭蠡棹初回

自瓜洲夜至燕子磯

同齋向之
張丙生

窗間月影半輪曲船底江聲萬馬馳
倏覺波平人語近觀音門外五更時

莫愁湖

榻滿詩篇四壁間生綃畫意越荆關
拈毫我却吟懷恣且倚雕欄自看山

籃輿口占

檢點行裝趁曉暉西風高捲雁初飛
多情鍾阜籃輿外似覺依依送客歸



